

Zbirka medijskih objava

Vlada Brčko Distrikta_kliping_dnevno,
za razdoblje 6. 1. 2020

Broj objava: 5

Internet: 1

Štampa: 4

Teme praćenja:

Vlada Brčko Distrikta: 1

Gradonačelnik ...: 0

Skupština Brčko ...: 0

Brčko: 4

Vlada Brčko Distrikta:

| | | | | |
|-------------------------|----------------|-----------------------------|--------------|------------------------------|
| Štampa | Naslov | Studen ulaže pola milijarde | | |
| Serijski br. 1 | Medij; Doseg | Dani; , Bosna i Hercegovina | Stranica: 62 | Površina: 27 cm ² |
| | Rubrika, Datum | Ostalo; 6. 1. 2020 | | |
| Stranica u zbirci: 4 | Autor | Unknown | | |
| | Teme | Vlada Brčko Distrikta | | |

Brčko:

| | | | | |
|-------------------------|----------------|--|--|--|
| Internet | Naslov | Brčko: Uskoro uvođenje elektronske zdravstvene knjižice | | |
| Serijski br. 1 | Medij; Doseg | Ebrcko.net; , Bosna i Hercegovina | | |
| | Rubrika, Datum | Ostalo; 4. 1. 2020 | | |
| Stranica u zbirci: 6 | Autor | Unknown | | |
| | Teme | Brčko | | |

| | | | | |
|-------------------------|----------------|--|-------------|------------------------------|
| Štampa | Naslov | Божична хуманитарна аукција слика | | |
| Serijski br. 2 | Medij; Doseg | Glas Srpske; , Bosna i Hercegovina | Stranica: 7 | Površina: 16 cm ² |
| | Rubrika, Datum | Društvo; 6. 1. 2020 | | |
| Stranica u zbirci: 7 | Autor | Srna | | |
| | Teme | Brčko | | |

| | | | | |
|-------------------------|----------------|--|-------------|------------------------------|
| Štampa | Naslov | Formiranje vlasti odmrzava projekte | | |
| Serijski br. 3 | Medij; Doseg | Nezavisne novine; , Bosna i Hercegovina | Stranica: 3 | Površina: 99 cm ² |
| | Rubrika, Datum | Događaji; 6. 1. 2020 | | |
| Stranica u zbirci: 8 | Autor | D.Šajinović | | |
| | Teme | Brčko | | |

| | | | | |
|--------------------------|----------------|--|--------------|-------------------------------|
| Štampa | Naslov | Metlice za gašenje požara u pravosuđu | | |
| Serijski br. 4 | Medij; Doseg | Oslobođenje; , Bosna i Hercegovina | Stranica: 10 | Površina: 530 cm ² |
| | Rubrika, Datum | Komentari; 6. 1. 2020 | | |
| Stranica u zbirci: 10 | Autor | Selimbegović Vildana | | |
| | Teme | Brčko | | |

Brčko: Uskoro uvođenje elektronske zdravstvene knjižice

subota, 04 januar 2020 18:15

Autor **Radio Brcko**

Kategorija: Vijesti **Brčko**



Fond zdravstvenog osiguranja **Brčko** distrikta ove godine za svoje korisnike uvodi korištenje elektronskih zdravstvenih knjižica, što je već praksa razvijenijih društava. Na finasijskom planu zabilježena je dobit od tri miliona KM.

Miodrag Todorović, direktor Fonda naveo je da će korisnici usluga prelaskom na korištenje elektronskih zdravstvenih knjižica imati daleko bržu i kvalitetniju uslugu, a krajni cilj je dovesti konkretnu komunikaciju Fonda i njegovih korisnika na najveći mogući kvalitativni nivo.

On je izjavio za Radio **Brčko** da je u praksi već moguća, kada su pitanju hitni medicinski slučajevi, a kroz dobru saradnju sa JZU „Zdravstveni centar“ **Brčko**, prva primjena elektronskih zdravstvenih knjižica u **Brčko** distriktu, što je veliki iskorak u odnosu na naše uže, ali i šire okruženje.

U Fondu je sve već skoro spremno za prelazak na elektronske zdravstvene legitimacije.

Brčanski Fond zdravstvenog osiguranja u prošloj je godini planirani budžet od 40 miliona KM premašio sa tri miliona maraka dobiti, a plan za ovu godinu je 47 miliona KM.

U ukupnim sredstvima Fonda budžet **Brčko** distrikta participira sa 25 posto, ali su troškovi veći od tog iznosa. Ostatak sredstava obezbjeđuju obveznici Fonda.



Studen ulaže pola milijarde

Vlada Brčko distrikta i Studen holding grupacija potpisale su sporazum o ulaganju 500 miliona KM i zapošljavanju 4.000 ljudi u narednih deset godina. Predsjednik uprave Studen holding grupacije Ilija Studen očekuje da se prvo počne s izgradnjom slobodnih zona. Smatra da je realno početi raditi na razvoju eko-ruralnog turizma, poljoprivrede i voćarstva, baziranih na zdravoj hrani.

"Za početak svih drugih projekata, kao što je razvoj turizma, trebaće dvije ili više godina", kaže Studen. ■



Божична хуманитарна аукција слика

БРЧКО - У Брчком ће 8. јануара бити одржана хуманитарна аукција слика познатих сликара из РС и Србије. Новац ће бити дониран за изградњу Дневног центра "Подржи ме - 9. јануар" у Косовској Митровици. (Срна)



U OVOM MANDATU EVROPSKE KOMISIJE OČEKUJE SE ZAVRŠETAK PLANIRANIH INFRASTRUKTURNIH PROJEKATA

Formiranje vlasti odmrzava projekte

D. ŠAJINović

BANJALUKA, BRISEL - Evropske institucije pripremaju se da u ovom mandatu završe ključne energetske projekte i projekte povezivanja na zapadnom Balkanu, za šta su stvoreni uslovi nakon formiranja vlasti na nivou BiH.


Kako nam je rečeno, što se tiče BiH, u ovom mandatu biće završen most na Savi kod Gradiške, brza cesta kroz dolinu Lašve od Jajca prema Zenici, povezivanje autoputa "9. januar" s koridorom 5c prema Svilaju petljom Johovac i izgradnja ostalog dijela te dionice, dio koridora Zenica - Ponirak, te modernizacija luke Breko. Takođe, planiran je i nastavak izgradnje koridora 5c ka zapadnoj Hercegovini.

Što se tiče energetike, u ovom trenutku nisu planirani veći projekti, vjerovatno usljed sankcija koje je Energetska zaje-

dnica izrekla BiH, o čemu su "Nezavisne" ranije opširno pisale, ali zato je u narednom petogodišnjem periodu za zapadni Balkan u planu izgradnja dalekovoda Kragujevac - Kraljevo, Niš prema bugarskoj granici, Pljevlja - Lastva u Crnoj Gori, te Ohrid - Bitola u Sjevernoj Makedoniji.

Međutim, nakon formiranja Savjeta ministara moguće je očekivati i ukidanje nedostataka iz oblasti energetike, kako bi BiH mogle biti ukinute sankcije.

Da bi to moglo biti tako, može se zaključiti iz Programa ekonomskih reformi, koji je usvojila Narodna skupština RS, a u kojem je predviđeno restrukturisanje "Elektroprivrede RS", usvajanje mjera predviđenih Trećim energetske paketom, od čega je najvažnija mjera odvajanje operatera od vlasnika energetske infrastrukture te usvajanje zakona o gasu i zakona o električnoj energiji, kojim će, između ostalog



biti predviđena liberalizacija tržišta električne energije.

Inače, na sastanku Upravnog odbora Investicionog okvira za zapadni Balkan odobreno je 194 miliona evra bespovratnih sredstava koja su obezbijedili EU i bilateralni donatori za nove projekte u oblasti digitalne infrastrukture, životne sredine, sporta i energetike širom Balkana.

Do sada ukupan iznos bespovratnih sredstava koja su obezbijedili EU i bilateralni donatori u okviru Investicionog okvira za zapadni Balkan prelazi milijardu evra, dok ukupna ulaganja međunarodnih finansijskih institucija prelaze 5,6 milijardi evra.

EBRD i Evropska unija potpisali su ugovor o dodatnih 45 miliona evra za dva programa koje EBRD sprovodi u zemljama Balkana - Savjeti za mala preduzeća i Regionalni program energetske efikasnosti.



Metlice za gašenje požara u pravosuđu

Piše: **VILDANA SELIMBEGOVIĆ**

Evo nas, ušli smo u 2020. godinu opijeni vatrometima i nadama, posve nesvesni da su naše želje počele da se ispunjavaju i prije prvih novogodišnjih petardi. S glavama u vlastitim frižiderima uopće nismo registrirali koliko naše institucije marljivo rade i bdiju nad našom srećom i blagostanjem. Našim boljim danima i pomirenjima. Našom sretnijom budućnosti koja je već počela. U tu čast, podignimo čašu zdrave domaće vode i nazdravimo našem pravosuđu! Našem Visokom sudskom i tužiteljskom vijeću, našem predsjedniku VSTV-a Milanu Tegeltiji i njegovim najdražim suradnicima! Hvala im što postoje i što su u 2019. - riječima Broja 1 - pokazali da je *pravosuđe, na čelu s VSTV-om, dovoljno snažno da odoli svim besprijaznim atacima i da sačuva svoju nezavisnost*. U to ime, pridružujem se željama predsjednika VSTV-a i njegovoj zahvalnosti svim sudijama i tužiocima, svim članovima Vijeća i svima onima koji su zaposleni u pravosudnim institucijama, koji su pokazali da imaju i profesionalni i lični integritet i snagu. Pa i da zapjevamo - ne može im niko ništa, jači su od sudbine!

A jesu, zaista: tog famoznog 31. decembra, dok se nama, običnim smrtnicima, već po glavi vrzmao Željko Joksimović, oni su vrijedno radili. Za nepun sat i po, po povratku s pauze i prije odlaska s posla da ne upadnu u pretprazničnu gužvu, Posebni odjel Tužiteljstva BiH za ratne zločine podigao je četiri, a prije prve pauze i petu optužnicu: deveterica nekadašnjih pripadnika Armije RBiH i HVO-a sa područja Brčkog optužena su za mučenje, zlostavljanje i ubistvo 11 zarobljenih pripadnika VRS-a 1993. godine; Milan Trišić iz Bratunca optužen je za zločin protiv čovječnosti i progon Bošnjaka sa ovih prostora 1992. godine; Jugomir Marčetić je optužen za istu vrstu zločina na području Prijedora - optužnica ga tereti da je saučestvovao u ubistvu 20 Bošnjaka iz sela Zecovi, tokom napa-

da 1992. u kome je 150 ubijenih, a preživjeli deportovani u logore Omarska, Keraterm i Trnopolje; Milorad Krnić je optužen za zločin protiv čovječnosti na području Sanskog Mosta u ljeto 1992. godine, ubistva, pljačku i progon Bošnjaka i Hrvata sa ovih prostora, a Milomir Savčić je optužen za pomaganje u genocidu u Srebrenici 1995. godine. Ovih pet prazničnih poteza ne svjedoče samo o revnosti naših tužitelja, oni su i pokazatelj da vrijedni rad donosi rezultat i nema više tog OSCE-a koji može prigovarati našem pravosuđu kako 800 slučajeva ratnih zločina još skuplja prašinu u ladicama. To više nije tačno, 25 godina nakon Dayton ostalo ih je još samo 795.

Jednako je važan - ako ne i važniji primjer odlučne borbe protiv korupcije. Dan prije nego će se dohvatiti okršaja s ratnim zločincima, Tužiteljstvo BiH je dalo svoj doprinos globalnom obračunu sa kriminalom i korupcijom u vrhu naše države. Nije šala, donedavni državni ministar sigurnosti razotkriven je u velikoj aferi mijenjanja brojeva na rukavicama namijenjenim Civilnoj zaštiti, a naša je revnosna tužiteljica, poznatija kao Slavujeva kći, ne samo ustanovila koliko je brojeva 9, 10 i 11 međusobno zamijenjeno već je i pronašla dokaze da su te sve rukavice i upotrijebljene. O kako visokoj korupciji je riječ, svjedoče pored rukavica i malverzacije sa medicama za gašenje požara, hlačama i košuljama koje su vatrogasci dobili iako je zakon neumoljiv i kaže da nema produženja rokova za isporuku. A oni hudnici su im se i obradovali i još ih sve iskoristili da krenu s njima u vatru! Da to tako ne može, dokazat će naše pravosuđe ne samo domaćem Draganu Mektiću već i onim Evropljanima koji su aminovali čitav projekat. A i svi koji su saučestvovali u ovom visokosofisticiranom stihijskom sukobljavanju s požarima i koji su optuženi za pomaganje u krivičnom djelu dobit će priliku - kao u Pribeovom izvještaju - da stanu oči u oči sa našim pravosuđem i priznaju konačno kome su to tačno pomagali? Tako će biti otkrivena i posljednja

tužiteljska tajna, u ovom času dobro čuvana. A ispostavit će se da su i demonstracije urodile plodom: Mektić je onomad tražio istrage i borbu protiv korupcije i dobio ih je! Sad je potučen do koljena, a njegova tvrdnja o nula posto optužnica za korupciju efektno i potpuno demantirana.

I zato, čaše gore! Predsjednik VSTV-a je s razlogom ponosan na sebe i svoje najdraže suradnike. U zemlji u kojoj ne postoji bazični konsenzus oko fundamentalnih pitanja funkcioniranja države, počevši od toga da li pravosudne institucije na nivou BiH uopće treba da postoje (kako kaže Broj 1), predsjednik VSTV-a nije samo potukao kvazipolitičare poput Mektića, iza koga ni vlastita stranka nije stala, već i *isfrustrirane sudije* Branka Perića i Milana Blagojevića. Džaba Periću njegovo sudijsko znanje i knjige koje je napisao, sve dok ne shvati da je demokracija u VSTV-u najveći predsjednički poduhvat, jer - kad god koji član pomisli drugačije - predsjednik zna znanje i raspolaze demokratskim metodama da postigne suglasnost i jedinstvo. Zato, neka Perić i Blagojević dobro razmisle o moralnoj pouci koju im je odaslao predsjednik pozivajući ih da sami podnesu ostavke, umjesto što primaju plaće od 3.500 do 4.500 maraka i kritikuju VSTV.

Neka nauče da je bolje živjeti 100 godina kao milijunaš, nego sedam dana u bijedi, što bi rekao Bob Rock, ionako je ovo trenutak velikih odluka. A naše je pravosuđe spremno da ih donese i ponese jer naš predsjednik vjeruje da je pobijedio i pomeo onim metlicama sve afere. I ostao na vrhu piramide, sretan i prezadovoljan što nam pravosuđe iz dana u dan sve više liči na njega. I onaj buzdovan za političke obračune koji će još - kad god to zatreba - oteći od siromašnih da bi dao bogatima.

Mektić je tražio istrage i borbu protiv korupcije i dobio ih je! Sad je potučen do koljena, a njegova tvrdnja o nula posto optužnica za korupciju efektno i potpuno demantirana

